



**Federata e Peshkatarëve Sportiv Recreativ e Kosovës  
Savez Sportsko Recreativnih Ribolovaca Kosova  
Kosovo Federation of Sports Recreational Fishermen**

**RREGULLORE NR. 03 / 2024 PËR DISIPLINËN NË SPORTIN  
PESHKATARVE SPORTIV REKREATIV E KOSOVES**

**Prishtine korrik 2024**

Në përputhje me nenin 19 të Statutit të **Federata e Peshkatarëve Sportiv Rekreativ e Kosovës**, Bordi i FPSRK-së me datë ..... PROPOZOJ këtë:

## **Rregullore për Disiplinën në FPSRK-së**

### **Neni 1 Qëllimi**

Me këtë rregullore mbrohen të drejtat e klubeve, shoqatave, anëtarëve të tyre, punëtorëve sportive dhe organizmave tjera sportin e peshkimit, rregullat e organizatës së peshkimit dhe mbarëvajtja e garave në peshkimit, sistemi i garave, rregullsia e regjistrimit të Sportistave dhe organizatave të peshkimit, obligimet e klubeve dhe individëve ndaj seleksionove të reprezentacionit, obligimet e Sportistave, punëtorëve sportivë, gjyqtarëve, organizatave themelore të peshkimit, marrëdhëniet në mes tyre dhe prestigji i tyre.

### **Neni 2 Fushëveprimi**

Rregullorja disiplinore e **FPSRK-së** përcakton procedurën dhe masat ndaj të gjithë atyre që cenojnë rregullat e gares së peshkimit, që shkelin Statutin dhe rregulloret e tjera përkatëse të **FPSRK-së**, si dhe atyre që cenojnë prestigjin e sportit të peshkimit në mënyra të ndryshme, duke nënkuptuar edhe prezantimin në vend dhe jashtë tij.

### **Neni 3 Sanksioni si qëllim**

Qëllimi i ndëshkimit është edukimi i anëtarëve të organizatave të peshkimit (Sportistave dhe personave të tjerë përgjegjës), në frymën sportive, në forcimin dhe zhvillimin e përgjegjësisë dhe disiplinës së tyre, në zbatimin e drejtë të rregullave të përcaktuara me Aktet Normative të **FPSRK-së**, si dhe në ndikimin për sjellje sportive të simpatizuesve të tyre.

### **Neni 4 Baza juridike**

Shkeljet disiplinore mund të parashihen me Statutin e **FPSRK-së**, statutet e organizatave të bashkuara të peshkimit të Kosovës, rregullat e **FPSRK-së**, rregulloret e përbashkëta të lidhjeve të peshkimit të Kosovës, si dhe Propozicionet e garave.

### **Neni 5 Parimet**

1. Kundërvajtja disiplinore mund të kryhet me veprim, qëllim apo lëshim.
2. Kundërvajtja disiplinore është kryer me lëshim, në qoftë se kundërvajtja nuk e ka kryer veprimin të cilin është dashur ta kryejë.

3. Kundërvajtja disiplinore nga paragrafi 1 dhe 2 i këtij neni, ndëshkohet konform dispozitave të kësaj rregulloreje.
4. Askush nuk mund të dënohet për veprimtarinë ose lëshimet e tij, pa u kryer vepra, dhe e i cili me norma nuk është cilësuar si delikt disiplinor e as që është paraparë mënyra e ndëshkimit për kryerjen e deliktit disiplinor.
5. Mosnjohja e dispozitave në të cilat është paraparë përgjegjësia disiplinore nuk e arsyeton dhe nuk e liron askënd, mirëpo organi kompetent që e udhëheq procedurën disiplinore, mund të shqiptojë ndëshkimet më të buta për ata të cilët nuk kanë ditur se një veprim i tillë është i ndaluar.
6. Kundërvajtja disiplinore në tentim do të ndëshkohet sikur të ishte kryer vetë kundërvajtja disiplinore e paraparë në akte gjegjëse. Për kundërvajtjen disiplinore në tentim, dhe nga ajo nuk është shkaktuar pasoja e dëmshme, kundërvajtësit mund të shqiptohet dënimi më i butë sa kundërvajtja e kryer.
7. Në qoftë se kundërvajtja disiplinore është shkaktuar me veprimin e më shumë pjesëmarrësve, të gjithë ata do të ndëshkohen si bashkëveprues (bashkëpjesëmarrës). Kush e nxit tjetrin apo e ndihmon të shkaktojë kundërvajtjen disiplinore, do të dënohet sikurse ta kishte kryer vetë kundërvajtjen.
8. Dispozitat themelore të kësaj rregulloreje do të zbatohen ndaj:
  - 8.1. të gjitha organizatave të peshkimit të bashkuara në **FPSRK-së** (klubeve, shoqatave...),
  - 8.2. të gjithë anëtarëve të organizatave themelore të peshkimit, degëve dhe bashkësive të klubeve të peshkimit.
9. Pjesa e veçantë dhe vlerësimi i dispozitave të kësaj rregulloreje do të zbatohet ndaj klubeve/shoqatave të cilat garat i zhvillojnë në rangun shtetëror dhe komunal ndër komunal, ndaj klubeve në garat përfundimtare të Kupës së Kosovës, ndaj punëtorëve sportivë të peshkimit, dhe rekreative të cilët janë anëtarë të organeve dhe trupave të tjerë të Bordit dhe Kuvendit të FRK, ndaj anëtarëve të organeve që udhëheqin garat, si dhe ndaj gjyqtarëve që bëjnë kundërvajtje gjatë garave të gares së peshkimit.
10. Në qoftë se kryerësi i kundërvajtjes në afat prej dy vjetësh nga vuajtja e dënimit të fundit nuk kryen kundërvajtje disiplinore të re, do të konsiderohet sikur nuk ka qenë fare i dënuar. Përfundime nga paragrafi paraprak bëjnë diskualifikimi i përjetshëm dhe përfundimi nga klubi.
11. Askush nuk mund të dënohet pa u marrë në pyetje apo pa dhënë deklaratë me shkrim. Nëse kryerësi i kundërvajtjes disiplinore nuk i përgjigjet seancës së marrjes në pyetje, ose nuk jep deklaratë me shkrim pas dy ftesave të organit kompetent, vendimi për dënim mund të bëhet në bazë të argumenteve të mbledhura.
12. Përshkrimi i Procedura disiplinore konsiderohet me prioritet dhe duhet të përfundojë më së voni në afat prej 30 ditësh nga dita e marrjes të fletëparaqitjes.

13. Vendimet e plotfuqishme për dënimet e shqiptuara, evidencohen në librezat e anëtarësisë (lojtarë, punëtorë sportivë etj.), si dhe në evidencën e organit kompetent të FRK. Vendimet e plotfuqishme për dënimin e organizatave të peshkimit, shpallen publikisht dhe njëherazi evidencohen pranë organit kompetent të **FPSRK-së**.
14. Dënimi i plotfuqishëm apo masa e ndërmarrë, sipas dispozitave të kësaj rregulloreje, duhet të ketë efekt veprues në veprimtarinë e anëtarëve të organizatave të peshkimit.
15. Personi i dënuar apo i suspenduar me ndalesë të ushtrimit të ë gjitha funksioneve në organizatat e peshkimit, nuk mund të ushtrojë kurrfarë funksioni në asnjë organ të klubit, shoqate lidhjeve të peshkimit, Federatës dhe as ta përfaqësojë klubin apo organizatën në gara në vend dhe jashtë tij gjatë kohëzgjatjes së dënimin.
16. Pjesëmarrësi i kundërvajtjes disiplinore, i cili ka qenë i dënuar së paku dy herë dhe i cili tregon afinitet për përsëritjen e kundërvajtjeve disiplinore, mund të dënohet më ashpër nga organi disiplinor, por jo më ashpër se që është paraparë me Nenin 7 të kësaj rregulloreje.
17. Veçanërisht si raste të rënda të kundërvajtjeve disiplinore për të cilat organet disiplinore mund t'i shqiptojnë kundërvajtësit dënimin më të rëndë, konsiderohen ato kundërvajtje, gjatë kryerjes së të cilave kundërvajtësi ka vepruar me vendosmëri, këmbëngulësi dhe pa arsyeshmëri të veçantë, apo kur kundërvajtja disiplinore ka shkaktuar pasojë veçanërisht të rënda, apo është kryer nën rrethana veçanërisht të rënda.
18. Për të gjitha kundërvajtjet disiplinore të shkaktuara nga punëtorët sportivë të peshkimit , si përfaqësues të klubeve dhe organizatave të peshkimit, mund të ndëshkohen vetë klubet dhe organizatat e peshkimit.

## **Neni 6 Matja e dënimin**

1. Me rastin e matjes së dënimin për kryerësin e kundërvajtjes disiplinore, do të merren parasysh të gjitha rrethanat të cilat ndikojnë në lartësinë e dënimin, rrethanat lehtësuese dhe rënduese e posaçërisht:
  - 1.1. pesha e kundërvajtjes disiplinore dhe pasojat e saj,
  - 1.2. shkalla e përgjegjësisë së kryerësit të kundërvajtjes disiplinore,
  - 1.3. sjelljet e mëparshme të kryerësit, përkatësisht a është dënuar ai më parë për shkelje të njëjta apo të ngjashme të rregullave disiplinore në lëmin e peshkimit dhe
  - 1.4. sjelljet dhe qëndrimi i të dënuarit para dhe pas shqiptimit të kundërvajtjes.
2. Duke u bazuar në të gjitha këto fakte bëhet edhe shqiptimi i dënimin.
3. Kundërvajtjet disiplinore të kryera në recidiv – përsëritje, ndëshkohen më ashpër.

## Neni 7

### Dënimet

1. Për kundërvajtje disiplinore mund të shqiptohen këto dënime, sipas kategorive:

#### **1.1. INDIVIDËVE, SPORTISTAVE, TRAJNERËVE, GJYQTARËVE, PUNËTORËVE SPORTIV DHE PESHKATARVE SPORTIV REKREATIV:**

1.1.1. Vërejtja,

1.1.2. Qortimi,

1.1.3. Ndalesa për të garuar dhe ushtruar funksionin (gjyqtarët, trajnerët, punëtorët sportivë të peshkimit ),

1.1.4. Përrjashtim nga organizata e peshkimit t,

1.1.5. Diskualifikimi i përrjetshëm nga sporti i peshkimit,

1.1.6. Dënim me të holla për gjyqtarët, trajnerët, punëtorët sportivë dhe rekreative të peshkimit dhe personave të punësuar në organizatat e peshkimit,

#### **1.2. ORGANIZATAVE TË PESHKIMIT - KLUBEVE, SHOQATAVE**

1.2.1. Vërejtja,

1.2.2. Qortimi,

1.2.3. Dënimi me të holla,

1.2.4. Ndalesë e zhvillimit të garave në terrenin ose vendin - rrethin e caktuar,

1.2.5. Ndalesë e gares për kohë të caktuar në vend dhe jashtë vendit,

1.2.6. Përrjashtim nga organizata e PESHKIMIT.

## Neni 8

### Kufizimet në lidhje me shqiptimin e dënimeve

1. Dënimi i ndalesës me gara për numër të caktuar të garave nuk mund të jetë më i madh se 8 gara.
2. Dënimi me të holla mund t'iu shqiptohet personave që ushtrojnë profesionalisht detyra në peshkimit dhe organizata të peshkimit, ai nuk mund të jetë më i vogël se 50 € e as më i madh se 200 €, ndërsa për persona të cilët janë në marrëdhënie pune me organizatën e

peshkimit 15% nga të ardhurat personale në maksimumin e periudhës kohore prej 6 muajsh.

3. Në vendimin mbi dënimin përcaktohet afati dhe mënyra e pagesës së dënimit me të holla, i cili nuk mund të jetë më i shkurtër se 15 ditë e as më i gjatë se 30 ditë për organizatat e peshkimit, ndërsa për persona në marrëdhënie pune 6 muaj.
4. Dënimi me të holla mund të shqiptohet si dënim kryesor i parë dhe si dënim plotësues i dorës së dytë.

### **Neni 9**

#### **Transferimi i dënimeve me gjobë**

1. Mjetet nga dënimet me të holla paguhen në favor të avancimit - përparimit të peshkimit të juniorëve dhe këto dënimet të cilat i shqiptojnë organet disiplinore të **FPSRK-së** (Komisioni disiplinor, Komisari garave) transferohen në fond të Federatës.
2. Klubi apo organizata e peshkimit , dënimet me të holla i paguajnë në xhironlogaritë rrjedhëse të FRK.
3. Afati për kryerjen e dënimeve me kusht nuk mund të jetë më i shkurtër se 3 muaj dhe më i gjatë se një vit, me ç' rast dënimi nuk do të ekzekutohet në qoftë se gjatë kësaj periudhe i dënuari nuk do të bëjë asnjë kundërvajtje disiplinore.
4. Dënimi me kusht do të fuqizohet nëse i dënuari me kusht në afatin për të cilin është shtyrë ekzekutimi i dënimit ka bërë çfarëdo kundërvajtjeje disiplinore.

### **Neni 10**

#### **Veprimet e ndalueshme, kundërvajtjes dhe gjobat ndaj organizatave, klubeve – subjekteve juridike**

1. Klubi i cili pa arsye nuk paraqitet në gara të përhershme, ose në garat në të cilat është i obliguar të paraqitet, posaçërisht në kampionat do të dënohet me të holla në shumë prej 50 €.
2. Klubi i cili pa arsye tërhiqet nga garat do të dënohet me ndalesë që të paraqitet në gara më së paku një vit.
3. Klubi i cili nuk i përmbush obligimet e tij ndaj përfaqësuesve të Kosovës (reprezentacioneve) ose e vështirëson përmbushjen e tyre, duke mos i liruar Sportistat të paraqitën në tubimet e Përfaqësueses për garë apo përgatitje, do të dënohet me të holla në shumë prej 100 €. Tentimi për të ndaluar peshkimit do të ndëshkohet gjithashtu.
4. Klubi i cili pa arsye e lëshon garën dhe në thirrje të gjyqtarëve refuzon ta vazhdojë garën, do të ndëshkohet me dënim me të holla në shumë prej 100 €. Klubit përveç dënimit të

përmendur në paragrafin paraprak, i merret një pikë, ndërsa ndeshja regjistrohet me rezultat zyrtar në dobi të Klubit kundërshtar.

5. Nëse Klubi në terren sillet në mënyrë josportive, pasojë e së cilës është shkaktimi i incidentit apo ndërprerja e garas, ajo do të dënohet me 50€.
6. Nëse vjenë deri tek sulmi fizikë në gjyqtar, vëzhgues dhe sportist kundërshtar nga ana e publikut, Klubi vendas dënohet me ndalesë të zhvillimit prej 2 garave ose në shumë prej 100 €.
7. Klubi, organizata ose organi i cili jep ose verifikon të dhëna të pavërteta, do të ndëshkohet me dënim me të holla në shumë prej 200 €. Personi përgjegjës në ekip, organizata ose organe të peshkimit për kundërvajtjen e paragrafit paraprak, do të dënohet me ndalesën e të ushtruarit të të gjitha funksioneve në sportin e peshkimit prej 6 muajve deri në 1 (një) vit. Tentimi do të ndëshkohet.
8. Klubi, organizata apo organi kompetent i peshkimit i cili nuk i përmbush obligimet e parapara ndaj FRK dhe subjekteve të tjera të sportit të peshkimit, do të dënohet me të holla në shumë prej 200 €. Personi përgjegjës në klub, organ apo në organizatë, do të dënohet me ndalesë të ushtruarit të funksionit në sportin e peshkimit prej 1 (një) deri në 3 (tre) vjet.
9. Organizatat e , lidhjet dhe organet e tyre do të dënohen me ndalesë të ushtruarit të punëve dhe të detyrave të tjera në këto organizata, ndërsa anëtarët përgjegjës të tyre do të përjashtohen prej organizatave gjegjëse.
10. Klubi në përbërjen e të cilit paraqitet sportist të paregjistruar ose i regjistruar në mënyrë jo të rregullt (i suspendua ose nën dënim) edhe përkundër vërejtjeve nga personat zyrtarë të FRK ai paraqitet do të dënohet me 20€.
11. Klubi i cili paraqitet jashtë vendit (Kosovës) për të garuar në gara ndërkombëtare dhe gara të tjera pa lejen e organit kompetent dhe i cili nuk i përmbahet rregulloreve ndërkombëtare të sporteve përkatëse, do të dënohet me ndalesën e paraqitjes jashtë Kosovës në kohëzgjatje deri një vit, si dhe dënimi me të holla në shumë prej 200 €.
12. Klubi/shoqata, Sportistat, gjyqtarët, vëzhgues-kontrolluesit apo funksionarët e të cilit me qëndrime dhe sjelljet e tyre jashtë vendit, i shkaktojnë dëme autoritetit të vendit (Kosovës), autoritetit të organizatës së peshkimit , autoritetit të FRK dhe autoriteteve të bashkësive të tjera shoqërorepolitike, do të dënohet me ndalesë të paraqitjes jashtë vendit në kohëzgjatje deri një vit dhe 200 €.
13. Klubi i cili e ushtron veprimtarinë e vet në kundërshtim me dispozitat e Kushtetutës së vendit, dispozitat e Statutit të **FPSRK-së**, dispozitat e Rregulloreve mbi organizimin e garave, dispozitat e Propozicioneve të garave, varësisht nga pesha e kundërvajtjes, do të dënohet me 200 €. Personi përgjegjës për kundërvajtje do të dënohet me ndalimin e të ushtruarit të të gjitha funksioneve në sportin e peshkimit, në kohëzgjatje prej 1 (një) deri në 3 (tre) vjet.

14. Klubi i cili shkel dispozitat e Rregullores mbi mbrojtjen shëndetësore të Sportistave (nuk bën kontrollimin mjekësor të tyre), do të dënohet me dënim me të holla në shumë prej 30 €.
15. Klubet/shoqatat të cilat më herët kanë arritur marrëveshje për kurdisje të pozitive të garave, do të dënohen me të holla në shumë prej 500 €.
16. Ndërsa personat përgjegjës që kanë mundur të dinë, do të dënohen me ndalimin e të ushtruarit të të gjitha funksioneve në sportin e peshkimit, në kohëzgjatje së paku dy vjet.
17. Tentimi i kurdisjes së rezultatit të garave do të ndëshkohet.

### **Neni 11**

#### **Veprimet e ndalueshme, kundërvajtjes dhe gjobat ndaj individëve**

1. Garuesi, peshkatari sportist dhe rekreativ, trajneri, funksionari apo personi përgjegjës në klub, i cili i bind Sportistat e tjerë që për shkaqe të ndryshme ta lëshojnë garën ose pengojnë zhvillimin normal të garës, dënohet:
2. Trajneri, funksionari ose personi tjetër përgjegjës, me ndalesë të ushtruarit të gjitha funksioneve në kohëzgjatje më së paku prej 3 muaj dhe dënim me të holla në shumë prej 100€ në rastet e përsëritura deri në një 1 vit.
3. Nëse Sportisti, gjyqtari apo personi përgjegjës i peshkimit është shkaktar i ndërprerjes dhe vazhimit të garës, do të dënohet me ndalesë garë ose ndalesë ushtrimi në funksionit prej 4 garave deri në 2 vjet dhe dënim më të holla në shumë prej 200 €. Tentimi do të ndëshkohet.
4. Sportisti i cili tenton, ose fizikisht e sulmon Sportistin kundërshtar, gjyqtarët, personat zyrtarë, spektatorët gjatë zhvillimit të garës ose pas përfundimit të saj, në terren apo jashtë tij, do të dënohet me ndalesë garë në kohëzgjatje prej së paku 4 gara dhe dënim me holla në shumë prej 200 €, në rastet e përsëritura deri në 2 vjet këto aplikohen edhe për të gjithë personat zyrtarë të garës të cilët tentojnë ose shkaktojnë kundërvajtjen disiplinore për çka do të dënohen me ndalesë të ushtrimit të të gjitha funksioneve në sportin e peshkimit së paku dy vjet e në raste të rënda edhe me përjashtim nga organizata e peshkimit.
5. Sportisti i cili fizikisht e sulmon gjyqtarin, në garë apo jashtë saj për shkak të sportit të peshkimit, do të dënohet dhe përjashtohet përjetë nga gara e peshkimit .
6. Sportisti, trajneri, gjyqtari dhe punëtori i peshkimit, i cili para, gjatë dhe pas përfundimit të gares ka sjellje jospportive ndaj shikuesve dhe personave zyrtarë, do të dënohet:
  - 6.1. Sportisti me ndalesë garë së paku 3 – 6 gara dhe dënim me të holla në shumë prej 200 €,

- 6.2. trajneri, punëtori i peshkimit dhe gjyqtari, me ndalesë ushtrimi të funksionit prej 3 – 6 gara dhe
- 6.3. dënim me të holla në shumë prej 200 €.
- 6.4. Në rastet e përsëritura do të dënohen në mënyrë progresive
- 6.5. Sportisti me ndalesë garë së paku 6 muaj dhe dënim me të holla në shumë prej 200 €, deri një vjet
- 6.6. trajneri, punëtori i peshkimit dhe gjyqtari, me ndalesë ushtrimi të funksionit prej 6 muajve dhe dënim me të holla në shumë prej 200 € deri në 1 vjet.
7. Sportisti, trajneri apo punëtori i peshkimit, i cili e ofendon gjyqtarin ose personat zyrtarë, do të dënohet me ndalesë garë, përkatësisht ndalesë të ushtrimit të funksionit prej 2 – 4 gara dhe dënim me të holla në shumë prej 100 €. Në rastet e përsëritura dënimet do të jenë progresive pre 6 muaj dhe dënim me të holla në shumë prej 200 € deri një vjet.
8. Sportisti i cili e shfrytëzon dokumentacionin e falsifikuar, i cili paraqitet me emër të rrejshëm ose i cili me rastin e regjistrimit jep shënime të rrejshme, përkatësisht paraqitet në ekip para se të fitojë të drejtën e gares, apo në çfarëdo mënyre bie në lajthitje Klubin/shoqaten ose organin e garave, do të dënohet me ndalesë garë prej 6 muajve dhe dënim me të holla në shumë prej 200 € deri në 1 vit. Nëse kundërvajtjen e kryen punëtori sportiv i peshkimit, do të dënohet me ndalim të ushtrimit të gjitha funksioneve në sportin e peshkimit, së paku 2 vjet, ndërsa në rastet e rënda me diskualifikim të përjetshëm.
9. Nëse Sportisti paraqitet për ekipe tjetër pa lejen e klubit të tij për të cilin është i regjistruar do të dënohet me ndalesë garë prej 6 muaj dhe dënim me të holla në shumë prej 200 € deri në një vit.
10. Sportisti, gjyqtari, trajneri apo punëtori sportiv i peshkimit i cili paraqitet nën dënim apo nën suspendim, dhe i cili ushtron funksione në organizatën e peshkimit do të dënohet me ndalesë garë, përkatësisht me ndalesë të ushtrimit të funksionit në peshkimit prej 6 muajve dhe dënim me të holla në shumë prej 50 € deri në 2 vjet.
11. Sportisti i cili pa arsye nuk paraqitet në garat e reprezentacionit ose nuk i bashkëngjitet përgatitjeve të reprezentacionit, do të dënohet me ndalesë garë prej 3 muajve dhe dënim me të holla në shumë prej 100 € deri në dy vjet. Tentimi do të ndëshkohet.
12. Sportisti, gjyqtari, trajneri apo punëtori sportiv i peshkimit, të cilin organi përkatës e fton për ta marrë në pyetje ose prej të cilit kërkon deklaratë me shkrim e i cili pa arsye nuk i përgjigjet ftesës apo nuk e dërgon deklaratën e kërkuar ose atë e dërgon pas afatit të paraparë, do të dënohet me vërejtje, qortim ose ndalesë garë, përkatësisht ndalesë të ushtrimit të funksionit prej 2 garave deri në një vit.
13. Kush sillet në mënyrë josportive (ofendon, fyen, shan, etj.), ndaj Sportisteve, gjyqtarëve, punëtorëve sportivë të peshkimit, funksionarëve, udhëheqësve të organeve dhe organizatave të peshkimit, para, gjatë dhe pas përfundimit të garës do të dënohet me vërejtje, qortim ose ndalesë të garës, dhe dënim holla në shumë prej 50 €, përkatësisht

ushtrimit të funksionit në sportin e deri në një vit. Nëse Sportistët apo personat e tjerë zyrtarë të klubeve, Federatës, shoqatave peshkimit të gjyqtarëve, trajnerëve dhe shoqatave të tjera të peshkimit japin deklaratë për shtyp dhe opinion të rrejshme, të paargumentuara, të cilat dëmtojnë autoritetin e Federatës do të dënohen me ndalesë ushtrimi të funksioneve në peshkimit prej 3 muaj dhe dënim me të holla në shumë prej 100 €, në raste të rënda deri në 2 vjet.

14. Nëse Sportisti i regjistruar paraqitet jashtë vendit, ose për ndonjë ekip të huaj pa lejen e organizatës përkatëse të peshkimit, do të dënohet me ndalesë garë prej 6 muajve dhe dënim me të holla në shumë prej 100 € deri në një vit.
15. Sportisti i cili përdor mjete të ndaluara në sportin e peshkimit dhe në rekreacion, do të dënohet me ndalesë garë prej 3-6 muaj dhe dënim me të holla në shumë prej 200 €. Në raste të rënda dhe të përsëritura më shumë herë, ai do të dënohet me ndalesë garë deri në 2 vjet ose me përjashtim nga organizata e peshkimit . Punëtori sportiv i peshkimit i cili në mënyra të ndryshme e ka ndihmuar Sportistin në përdorimin e mjeteve të ndaluara, klubi, me dijen e të cilit Sportistët kanë shfrytëzuar mjetet e ndaluara, do të dënohen me ndalim të ushtrimit të funksioneve në sportin e deri në 2 vjet, e në raste më të rënda dhe të përsëritura, do të dënohen me përjashtim nga organizata e peshkimit , përkatësisht me kthim në rang më të ulët të garave. Tentimi do të ndëshkohet.
16. Gjyqtari, i cili në kohën e caktuar nuk vjen apo fare nuk vjen për zhvillimin e garës në të cilën është caktuar, ndërkaq mosardhjen nuk e argumenton në afatin e paraparë nuk e lajmëron organin kompetent do të dënohet me ndalesë referimi në kohëzgjatje prej 2 garave deri në 6 muaj dhe dënim me të holla në shumë prej 50 €. Dënimi i paragrafit paraprak i këtij neni do t'i shqiptohet edhe gjyqtarit, i cili është i pranishëm por pa arsye nuk e referon garën.
17. Gjyqtari , kontrolluesi apo vëzhguesi i cili e referon (drejton) garën e ndaluar nga organi kompetent, apo nuk është i deleguar nga organi gjegjës do të dënohet me ndalesë aktiviteti prej 2 garave dhe dënim me të holla në shumë prej 50 €, në rastet e përsëritura deri në një vit.
18. Gjyqtari, i cili nuk e ka referuar garën i pajisur me veshje të paraparë për gjyqtar, do të dënohet me dënim me të holla në shumë prej 20 €, në rastet e përsëritura me ndalesë referimi prej 1 muajve deri në një vit.
19. Gjyqtari, i cili pa arsye dhe kundër procedurës së paraparë e ndërpret garën, do të dënohet me ndalesë të referimit prej 3 muajve dhe dënim me të holla në shumë prej 200 € deri në 1 vit.
20. Gjyqtari, i cili gjatë referimit bën shkelje materiale të dispozitave të Rregulloreve të garës së peshkimit, i cili plotësisht nuk i njeh ato, përkatësisht nuk i njeh dispozitat e Akteve normative në fuqi nga lëmi i sportit të peshkimit, të organeve të cilat i organizojnë garat, do të dënohet me ndalesë referimi prej së paku 4 garave deri në 1 vit.
21. Gjyqtari, i cili para, gjatë dhe pas përfundimit të garës, sillet në mënyrë jospportive, ose i cili fizikisht e sulmon Sportistin, trajnerin, punëtorin sportiv të peshkimit apo shikuesin,

do të dënohet me ndalesë referimi prej 1 - 2 vjet, e në rastet posaçërisht të rënda, me diskualifikim të përgjithshëm.

22. Gjyqtari, kontrolluesi apo vëzhguesi i cili në afatin e caktuar nuk e dorëzon raportin dhe kontrollimin e garës apo atë nuk e dorëzon në formën e paraparë, do të dënohet me ndalesë referimi dhe delegimi prej 2 garave deri në 1 vit dhe dënim me të holla në shumë prej 100 euro.
23. Gjyqtari, kontrolluesi, vëzhguesi i garës i cili shpenzimet e referimit i paguan më shumë se është paraparë, do të dënohet me ndalesë referimi, përkatësisht ndalesë të të ushtruarit të funksionit së paku 2 gara dhe dënim me të holla në shumë prej 100 €, e në rastet e rënda edhe me diskualifikim të përgjithshëm. Shpenzimet më tepër të paguara, personate tillë janë të obliguar t'ua kthejnë organizatave të peshkimit nga të cilat i kanë marrë. Tentimi do të ndëshkohet.
24. Gjyqtari, kontrolluesi i referimit, vëzhguesi i cili merr mito për obligimet që duhet kryer gjatë referimit e që rrjedhin nga dispozitat përkatëse të garës së peshkimit, do të dënohet me ndalesë referimi, përkatësisht ndalim të ushtrimit të funksionit së paku 3 muaj e më së shumti 1 vit, e në raste posaçërisht të rënda, me diskualifikim të përgjithshëm ose me largim nga organizata e peshkimit .
25. Gjyqtari ose punëtari sportiv i peshkimit, i cili ushtron detyrën e delegatit-kontrolluesit, i cili nuk paraqet raport apo paraqet raport jo të saktë, duke bërë ndryshime rreth situatave relevante të garës, do të dënohet me ndalesë referimi, përkatësisht ndalesë të ushtrimit të funksionit në kohëzgjatje prej 2 garave dhe dënim më holla në shumë prej 50 €, në rastet e përsëritura deri në 1 vit.
26. Nëse punëtari sportiv i peshkimit nuk e kryen detyrën për të cilën është caktuar, duke mos e argumentuar abstenimin me prova bindëse, do të dënohet me ndalim të ushtrimit të funksionit së paku 2 gara dhe dënim me të holla në shumë prej 50 €, në rastet e përsëritura deri në 1 vit.
27. Në qoftë se anëtari i organizatës së peshkimit, kërkon prej anëtarëve të tjerë të organizatës, klubeve, shoqatave të peshkimit, dobi materiale për kryerjen e punëve për të cilat është caktuar, ose ato nuk i kryen edhe pse është i obliguar t'i kryejë, do të dënohet me ndalim të të gjitha funksioneve në sportin e peshkimit së paku 1 vit, e në rastet e përsëritura dhe posaçërisht të rënda, me diskualifikim të përgjithshëm dhe përjashtim nga organizata e peshkimit. Nëse kundërvajtjen nga alineja paraprake e ka shkaktuar funksionari apo anëtari i klubit, atëherë klubi do të dënohet me të holla së paku 100 €.
28. Trajneri apo punëtari sportiv i peshkimit, i cili nën kërcënim e detyron Sportistin të paraqitet, e bie nën dënim, suspendim (pa kontroll mjekësor, me emër të rrejshëm dhe librezë të huaj të anëtarësisë), do të dënohet së paku me një vit ndalesë të të ushtruarit të të gjitha funksioneve në sportin e peshkimit, ose me përjashtim nga organizata e peshkimit
29. Gjyqtari i cili referon nën dënim apo suspendim, do të dënohet me ndalesë referimi prej 1 muaj dhe 100 €, në rastet e përsëritura deri në 1 vit. Me këtë dënimin do të ndëshkohet

gjqytari, i cili jep deklarata të rrejshme për mjetet e informimit lidhur me situatat e caktuara të cilat i përkasin sportit të peshkimit dhe punëtorëve sportivë të tyre.

30. Punëtori sportiv i peshkimit, gjyqtarët, kontrolluesit e referimit, Sportistet si anëtarë të organizatave të peshkimit, funksionarët, përgjigjen për çdo shkelje të dispozitave të akteve në fuqi, të organizatave drejtuese të peshkimit. Për shkeljen e dispozitave të përmendura, anëtarë i organizatës së peshkimit do të dënohet me ndalesë garë, përkatësisht ndalesë të ushtruarit të funksionit si vijon:

30.1. për shkak të keqpërdorimit të detyrës zyrtare apo tejkalimit të autorizimeve, prej 3 muajve deri 1 vit, e në raste posaçërisht të rënda me diskualifikim të përhershëm dhe përjashtim nga organizata e peshkimit ,

30.2. për shkak të imponimit në nxjerrjen e akteve të caktuara në kundërshtim me ligjet pozitive ekzistuese, të cilat e rregullojnë lëmin e peshkimit , me dënim deri në një vit, kurse me diskualifikim të përhershëm dhe përjashtim nga organizata e peshkimit ndëshkohet kur si propozues i tyre ka ditur se ato janë në kundërshtim me ligjet pozitive,

30.3. për shkak të kundërshtimit të politikës së përcaktuar në sport dhe rekreacionit nga ana e organeve përkatëse të **FPSRK-së**, me ndalim të ushtrimit të të gjitha funksioneve në sportin e peshkimit më së paku 6 muaj deri në 1 vit, e në raste shumë më të rënda, me diskualifikim të përhershëm dhe përjashtim nga organizatat e peshkimit,

30.4. për shkak të refuzimit të paarsyeshëm për konvokimin e mbledhjes së organeve, trupave të organizatës së peshkimit, kryetar i së cilës është, me ndalim të ushtrimit të funksioneve në sportin e peshkimit prej 6 muajve deri në një vit,

30.5. për shkak të regjistrimit të parregullt të Sportistit, të lëshuarit të dokumentacionit për regjistrim në bazë të dokumenteve të dyshimta apo të rreme, si dhe mbajtjes jo të saktë të librit të regjistrimit, me ndalim të të ushtruarit të të gjitha funksioneve në sportin e peshkimit së paku një vit, e në rastet e rënda, me përjashtim nga organizata e peshkimit dhe diskualifikim të përhershëm,

30.6. për shkak të dhënies së vërtetimit me nënshkrim apo vulë të dokumenteve të organizatës të peshkimit, të cilat janë të bazuara rrejshëm, me ndalim të ushtrimit të të gjitha funksioneve në sportin e peshkimit së paku një vit,

30.7. për shkak të ikjes në ushtrimin e funksionit të caktuar, me vërejtje qortim apo ndalim të ushtrimit të funksionit 6 muaj.

30.8. Për shkak të sjelljeve të cilat e fyejnë autoritetin e organizatës së peshkimit prej 3 muajve deri në një vit ndalim të ushtrimit të funksionit,

30.9. Për shkak të marrëdhënieve të parregullta ndaj organeve kompetente të organizatës së peshkimit me ndalim të ushtrimit të funksionit deri një vit,

- 30.10.Për shkak të moszbatimit të mendimeve, konkluzave dhe akteve të tjera përkatëse të organizatës së peshkimit, me ndalim të ushtrimit të funksionit deri në një vit.
31. Klubi i cili nuk e zbaton vendimin e plotfuqishëm dhe të ekzekutueshëm të organit kompetent, do të ndëshkohet me dënim në të holla në shumë deri 200 € .

## Neni 12

### Organet dhe procedurat disiplinore

1. Kundërvajtjet disiplinore të shkaktuara brenda klubit/shoqates, i shqiptojnë organet disiplinore të përcaktuara me Statut dhe Rregullore disiplinore të klubit.
2. Kundërvajtjet disiplinore të shkaktuara në gara, lidhur me garat në shkallë të parë i shqyrton Komisari i garave (Komisioni), përkatësisht organi ekzekutiv i Bordit të **FPSRK-së**.
3. Kundërvajtjet disiplinore të parapara në aktet e **FPSRK-së** dhe lidhjeve komunale të peshkimit, organet kompetente të përcaktuara me këto akte.
4. Kundërvajtjet disiplinore, të cilat i kryejnë individët apo organizatat e peshkimit lidhur me kryerjen e obligimeve nga kompetencat e **FPSRK-së**, Komisioni disiplinor i Bordit të **FPSRK-së** në shkallë të parë, ndërsa Këshilli i garave në shkallë të dytë.
5. Organet disiplinore përbëhen prej 3 anëtarëve, apo nga Komisari i garave (Komisioni i garave) kur kemi të bëjmë me kundërvajtjet në gara . Vendimet meritore merren me praninë e shumicës së anëtarëve të Komisionit disiplinor.
6. Të gjitha organet disiplinore janë të obliguara të mbajnë evidencën e dënimeve të plotëfuqishme, të cilat i kanë shqiptuar.

## Neni 13

### Inicimi dhe rrjedha e procedurës

1. Ndaj askujt nuk mund të fillojë procedura disiplinore dhe askush nuk mund të dënohet, në qoftë se fletëparaqitja nuk është bërë në afatin e paraparë. Afati për paraqitjen e fletëparaqitjes disiplinore është 30 ditë nga dita e kundërvajtjes së bërë, përkatësisht konform afatit të paraparë në nenin 15 të kësaj rregulloreje.
2. Vendimet, punët dhe veprimet e procedurës disiplinore i ndërmerr dhe i miraton organi kompetent disiplinor. Disa punë dhe veprime të procedurës disiplinore, mund t'i kryejë anëtari i autorizuar i organizatës së peshkimit (vëzhgimi, shikimi i vendit të ngjarjes).
3. Kryerësi i kundërvajtjes disiplinore ka të drejtë që me shpenzime të veta të kërkojë nga organi disiplinor pjesëmarrjen në seancat e udhëhequra në të dy shkallët (shkalla I dhe II). Organet disiplinore janë të obliguara të aprovojnë kërkesën e tij.

4. Procedura disiplinore iniciohet në bazë të:
  - 4.1. raportit të delegatit,
  - 4.2. fletëparaqitjes të çdo personi, anëtar i organizatës së peshkimit, i cili e vëren kundërvajtjen disiplinore,
  - 4.3. fletëparaqitjes së trupave dhe organeve të peshkimit,
  - 4.4. fletëparaqitjes së gjyqtarit,
  - 4.5. fletëparaqitjes së organizatave të , peshkimit klubeve dhe lidhjeve të peshkimit ,
  - 4.6. fletëparaqitjes nga ana e sekretarit të **FPSRK-së**
  - 4.7. fletëparaqitjes së Bordit së **FPSRK-së**
  - 4.8. sipas detyrës zyrtare, kur organi disiplinor ka dijeni se është kryer kundërvajtja disiplinore.
5. Të gjitha fletëparaqitjet duhet te jenë te kompletuara dhe të argumentuara mirë.
6. Organet disiplinore janë të obliguara të kujdesen për kompetencat, afatet, parashkrimet dhe shqiptimet e dënimeve.
7. Konfliktin e kompetencave të organeve disiplinore e zgjidh organi i parë më i lartë disiplinor, i cili ka shtrirje më të gjerë të organizimit territorial.
8. Pas marrjes të fletëparaqitjes, organi disiplinor menjëherë e fillon procedura, e më së largu 8 ditë pas marrjes së saj, përkatësisht marrjes në dijeni për kundërvajtjen e shkaktuar. Kur organi disiplinor e fillon procedurën, ai e fton të pandehurin për dhënien e deklaratës dhe për ta marrë në pyetje.
9. Procedura disiplinore është urgjente, në shkallë të parë duhet të përfundojë në afat prej 15 ditësh nga dita e inicimit. Procedura disiplinore në shkallë të dytë duhet të përfundojë në afat prej 30 ditësh nga dita e marrjes së ankesës. Organi disiplinor i shkallës së parë është i obliguar që në afat prej 8 ditësh nga dita e marrjes së ankesës, ta kompletojë lëndën e procedurës së shkallës së parë dhe atë t'ia përcjellë organit disiplinor të shkallës së dytë në kompetencë të mëtejme.
10. Në rastet kur nuk veprohet sipas afateve të parapara, kryetari dhe anëtarët e organit disiplinor do të përgjigjen për shkelje të bëra, të parapara me nenin 76 të kësaj rregulloreje.
11. Përgjegjësia e anëtarit të organizatës së peshkimit për veprat penale, kundërvajtje disiplinore konform dispozitave të kësaj rregulloreje.

## **Neni 14**

### **Suspendimi**

1. Në qoftë se organi disiplinor vërteton se nuk ka vend për hapjen e procedurës disiplinore, me vendim e refuzon fletëparaqitjen e ushtruar. Në qoftë se procedura disiplinore është e hapur, ndërkohë paraqiten fakte të cilat tregojnë se nuk ka vend për procedurë, organi disiplinor e pezullon atë. Ndaj këtyre vendimeve të organeve disiplinore, ushtruesi i fletëparaqitjes ka të drejtë ankese komisionit të shkallës së dytë.
2. Në qoftë se gjatë procedurës disiplinore janë shkaktuar shpenzime, atëherë organi i cili ka udhëhequr procedurën, do të vendosë për subjektet e përmbushjes së tyre. Shpenzimet e shkaktuara nga ana e klubit/shoqates apo anëtarit të klubit të cilit i shqiptohet dënimi, bien në barrën e buxhetit të klubit.
3. Në qoftë se klubi apo anëtari i klubit, ndaj të cilit është hapur procedura, lirohet nga përgjegjësia, shpenzimet bien në barrën e buxhetit të organit i cili e ka udhëhequr procedurën.
4. Organi disiplinor mund të marrë vendim për suspendimin e individit apo organizatës së peshkimit, në raste kur është paraparë dënimi kohor ose dënimi më i rëndë, varësisht nga pesha dhe kushtet e kryerjes së kundërvajtjes disiplinore. Vendimi mbi suspendimin shpallet në buletin zyrtar ose përpilohet në formë të shkruar dhe i përcillet të suspenduarit.
5. Koha e suspendimit llogaritet në dënim.
6. Deri në përfundimin e procedurës disiplinore, suspendimi mund të zgjasë më së shumti 3 muaj. Organi i shkallës së parë është i autorizuar ta ndërprerje suspendimin para përfundimit të procedurës, në qoftë se kanë pushuar arsyet e caktimit të tij. Organi i shkallës së dytë në procedurën sipas ankesës, mund ta ndërpresë suspendimin më heret.
7. Përjashtimisht nga dispozitat e nenit 91 paragrafi i kësaj rregulloreje, suspendimi mund të zgjatet më shumë se 3 muaj, nëse nga organet kompetente ka filluar procedura penale ose procedura administrative ndëshkuese kundër anëtarëve të organizatës së peshkimit. Personi i tillë mund të suspendohet deri në përfundimin e kësaj procedure.
8. Suspendimi për individë (garues, persona zyrtarë, gjyqtarë, punëtorë sportivë të peshkimit) organe e organizata të peshkimit të cilët kanë obligime ndaj organeve gjegjëse, të cilat e udhëheqin të parapara ndaj organeve të përmendura.

## **Neni 15**

### **Shqiptimi i Dënimeve**

1. Për marrjen e vendimeve të plotfuqishme të kundërvajtjeve disiplinore, është e obliguar që në mbledhjet e organeve kompetente disiplinore të marrin pjesë shumica e anëtarëve të organeve gjegjëse. Vendimet merren me shumicë votash të anëtarëve të pranishëm të

organeve të cilat u udhëheqin procedurën. Në rast të votimit të barabartë të anëtarëve të pranishëm, vendos vota e kryetarit të organit kompetent kur kemi Komisionit të garave, etj).

2. Kundërvajtjet disiplinore dhe suspendimet, të cilat i shqiptojnë organet kompetente disiplinore lidhur me shkeljen e dispozitave të garave, publikohen në buletin zyrtar të organeve të garave.
3. Në të gjitha rastet e tjera vendimet mbi dënimet përpilohen dhe ato duhen të përmbajnë:
  - 3.1. hyrjen
  - 3.2. dispozitivin,
  - 3.3. arsyetimin dhe
  - 3.4. këshillën për mjetin juridik.
4. Hyrja përfshin emrin dhe përbërjen e organit disiplinor, bazën juridike kompetencë, kohën dhe vendin e marrjes së vendimit.
5. Dispozitivi përfshin të dhënat e kryerësit të kundërvajtjes disiplinore, përshkrimin, llojin e kundërvajtjes, marrësin e dispozitave sipas të cilit është marrë vendimi, lloji dhe lartësia e dënimit, kohën prej kur fillon të llogaritet dënimi dhe vendimi për suspendim.
6. Arsyetimi duhet të përfshijë afatin gjatë të cilit duhet të ushtrohet ankesa, si dhe mënyrën dhe organin të cilit i dorëzohet.
7. Këshilla juridike jepet vetëm me mjete të rregullta juridike.
8. Vendimet e organeve disiplinore, palëve iu dorëzohen personalisht apo me letra postale rekomande si dhe përmes e-mailit post elektronike . Kur vendimi për dënim publikohet në buletin zyrtar të organeve të garave, organi i disiplinor është i obliguar që dorëzimin e tij t'iu bëjë të gjithë të dënuarve personalisht apo me letër rekomande postale.
9. Nga një kopje të vendimit mbi dënimet e shqiptuara për persona fizikë, organi disiplinor është i obliguar t'ia dorëzojë njëkohësisht organizatës së peshkimit anëtar i së cilës është personi i ndëshkuar. Në qoftë se organi disiplinor nuk e ka adresën e saktë të personit fizik, dorëzimi i vendimit mund të bëhet përmes Klubit, përkatësisht organizatës së peshkimit, anëtar i së cilës është personi. Në rast të refuzimit të marrjes të vendimit, konsiderohet se është bërë dorëzimi. Refuzimi mbi marrjen e vendimit duhet të argumentohet.

## **Neni 16**

### **Mjetet juridike**

1. Kundër vendimit të organit të shkallës së parë, mund të paraqitet ankesa në afat prej 8 ditësh nga dita e marrjes së tij. Ankesa nuk e shtyn ekzekutimin e dënimit. Ankesa i

paraqitet organit të shkallës së dytë përmes organit disiplinor të shkallës së parë, me dorëzim personal apo me anë të postës në mënyrë rekomande. Afat i dorëzimit të ankesës merret koha kur personalisht i është dorëzuar organit të shkallës së parë, ose koha kur është dorëzuar në postë në letër rekomande (data me vulë postale) apo data e e-mailit nëse është dërguar me post elektronike.

2. Kundër vendimit për suspendim mund t'i paraqitet ankesë organit të shkallës së dytë, përmes shkallës së parë, sikurse është paraparë në nenin paraprak të kësaj rregulloreje, në afat prej 3 ditësh, nga dita e marrjes së vendimit mbi suspendim. Ankesa nuk e shtyn ekzekutimin e vendimit për suspendim.

### **Neni 17** **Procedura sipas ankesës**

1. Pas marrjes së ankesës, organi i shkallës së parë është i obliguar që në afatin prej 8 ditësh, atë ta kompletojë me të gjitha shkresat e parashtruara dhe së bashku me mendimin e vet, t'ia përcjellë organit të shkallës së dytë në kompetencë të mëtejme.
2. Procedura e shkallës së dytë duhet të përfundojë në afat prej 30 ditësh prej ditës marrjes së ankesës.
3. Organi i shkallës së dytë, duke vendosur sipas ankesës mund:
  - 3.1. ankesën ta hedhë si të ushtruar pas afatit të paraparë, apo nga personi i paautorizuar,
  - 3.2. ankesën ta refuzojë dhe vendimin e organit të shkallës së parë ta vërtetojë,
  - 3.3. ankesën ta aprovojë dhe lëndën t'ia kthejë organit të shkallës së parë në rishqyrtim dhe rivendosje, dhe
  - 3.4. ankesën ta aprovojë, ndërsa vendimin e organit të shkallës së parë ta ndryshojë.
4. Nëse ankesa është ushtruar vetëm në dobi të dënuarit, në procedurën e mëtejme kundër tij nuk mund të shqiptohet dënimi më i rëndë.
5. Vendimi i shkallës së dytë është përfundimtar. Ndaj vendimit të Shkallës së dytë pala mund të ngritë ankesë pranë Këshillit të Arbitrazhit Sportiv (KAS) dhe atë, brenda 7 ditëve nga pranimi i Vendimit nga organi i shkallës së dytë.

### **Neni 18** **Mundësia e lehtësimit të jashtëzakonshëm të dënimit**

1. Kur ekzistojnë prova të pakontestueshme se dënimi i shqiptuar, i cili është i ekzekutuar, e ka arritur qëllimin e vet në të gjitha aspektet e parapara edukativo-sportive, Bordi i FRK-së dhe kryetari i Bordit në raste të caktuara, në jubiletë dhe festat shtetërore mund të lehtësojnë dënimet.

2. Po ashtu lehtësimin e dënimit mund ta bëjë edhe Kuvendi i FRK-së nëse më parë Bordi i FRK-së ka refuzuar kërkesën për lehtësim të të ndëshkuarit.
3. Lutjen si në rastin e parë edhe në rastin e dytë për uljen e jashtëzakonshme të dënimit, mund ta dorëzojë personi i dënuar, organizata e peshkimit apo klubi, anëtar i të cilit është i dënuari, dhe këtë së paku 8 ditë para seancës së caktuar të Kuvendit gjegjësisht.

### **Neni 19** **Dispozitat e përgjithshme**

1. Në qoftë se Sportisti është i dënuar me ndalesë garë për numër të caktuar të garave, dënimi i shqiptuar konform dispozitave të kësaj rregulloreje, nënkupton garat kampionale dhe të Kupës të organizura nga organet kompetente të **FPSRK-së**, si dhe garat e tjera të paraqitura në programin e FRK-së.
2. Procedura disiplinore para hyrjes në fuqi të kësaj rregulloreje, do të përfundojë sipas dispozitave të rregullores paraprake, në qoftë se ato janë më të favorshme për kryesinë e kundërvajtjes.
3. Bordi i FRK është e autorizuar të japë interpretime autentike të dispozitave të kësaj rregulloreje.
4. Në Propozicionet e garave mund të parashihen dënime më të lehta, por jo më të më të rënda nga të përcaktuarat me këtë rregullore, si dhe mjetet e jashtëzakonshme juridike dhe kompetencat e organeve për vendosjen e tyre. Nëse me Propozicione janë paraparë masa dhe ndëshkime në kundërshtim me dispozitat e kësaj rregulloreje, do të aplikohen dispozitat e kësaj rregulloreje, përkatësisht dispozitat më të favorshme për palën.

### **Neni 20** **Hyrja në fuqi**

Kjo Rregullore hyn në fuqi, shtatë (7) ditë pas nënshkrimit nga Kryetari i **Federata e Peshkatarëve Sportiv Rekreativ e Kosovës** dhe publikimit në faqen zyrtare të FPSRK-së .

Milaim Vitia

**Federata e Peshkatarëve Sportiv Rekreativ e Kosovës**

